

SULERIAASSISQAQ

Aningaasaqarnermut Inuussutissarsiornermullu Ataatsimiititaq

Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersumi §§ 24 aamma 25 naapertorlugit, tulluuttuni aqutsinermik inatsimmik taaneqartumi, aalajangersarneqarpoq:

Ataatsimiititap sulinera

- § 1. Aqutsinermik inatsit aamma Kommuneqarfik Sermersooq pillugu aqutsinermik ileqqoreqqusaq naapertorlugu, ataatsimiititamit suliaasaqarfiit susassaqafigineqartut ataatsimiititamit isumagineqassapput, tamanna pissaaq ukiumoortumik missingersuutini killiliussat akuersissutigineqartut iluini aamma Kommunalbestyrelsip akuersissutigisai naapertorlugit.

Ataatsimiititaq suliani inatsisit malillugit aamma ataatsimiititamut suliarineqartussaasut isumagineqartuni aalajangiisassaaq.

- § 2. Ataatsimiititaq nutaamik qinerneqartoq piffissap suliffiusussap aallartinnginnerani inissitsiterfiusumik ataatsimiissaaq. Ataatsimiinnissamut Borgmesteri aggersaasuussaaq.

Ataatsimiititap ataatsimiittarnissaa

- § 3. Ataatsimiititap sulinini ataatsimiinnerni ingerlatissavaa. Ataatsimiititap ataatsimiinneri matoqqasuupput.

Imm. 2. Ataatsimiititap piffissat ataatsimiiffiusussat nammineq aalajangersartassavai.

Imm. 3. Ataatsimiinnernik pisariaqavissumik kinguartitsineq aammalu immikkut ittumik ataatsimiinnerit pisassapput tamanna siulittaasup pisariaqartikkaangagu, imaluunniit ikinnerpaamik ilaasortat pingajorarterutaasa tamanna piumasarigaangassuk. Immikkut

ittumik ataatsimiinnerit sapinngisamik piumasaqaatigineqarneranit kingusinnerpaamik ulluinnaat tallimat qaangiunnerini pisassapput. Siulittaasup aalajangertassavaa immikkut ittumik ataatsimiinnissat qaqugu sumilu pinissaat.

Imm. 4. Ilaasortaq ataatsimeeqataasinnaanngippat, ilaasortap sinniisussaa ilaasortap ataatsimeeqataasinnaannginnera tamaat ataatsimeeqataasassaaq.

Ilaasortaq ataatsimiititap ataatsimiinneranut peqataasinnaanngikkuni tamanna ataatsimiititami siulittaasumut allakkatigut sapinngisamik piaartumik nalunaarutigissavaa taassumalu assinga ataatsimiititami ataqatigiissaarisumut nassiullugu uunga kommuneqarfik@sermersooq.gl, aamma ajornanngippat kingusinnerpaamik ataatsimiinnissaq ullunik tallimanik sioqqullugu, peqataasinnaannginnermut pissutaasoq kiisalu peqataasinnaannginnerup sivilissusua nalunaarutigissavaa.

Imm. 5. Matumani peqquteqarluni peqataasinnaannginnermi makku pineqarput napparsimaneq, naartuneq, ernineq, meeravissiarthaarneq, inuiaqatigiinni sullissisussaataalluni pisussaaffiligaaneq, inuutissarsiutini assigisaalluunniit.

Imm. 6. Aalajangiinnerit pillugit imaqarniliami, ataatsimiinnerit ataasiakkaat tamarmik, ilaasortat kikkut peqataasimannginnerat aamma sinniisoq kina sinniisuulluni 0 peqataasimanersoq allanneqartassapput.

Imm. 7. Ilaasortaq allakkatigut ataatsimiititamik ataqatigiissaarisumut nalunaaruteqassaaq sinniisussap ataatsimiigiaqquneqarnissaa kissaatiguniuk, uunga: kommuneqarfik@sermersooq.gl.

Imm. 8. Kommunaldirektøri ataatsimiititalu imaqarniliortuata ataatsimiinnerni najuuttassapput, ataatsimiititaq allamik aalajangiisimanngippat. Ataatsimiititaq suliaq paasineqarnissaa eqqarsaatigalugu isumaqarpat, taava inuit allat, kommunimi atorfeqartut, ataatsimiinnermi najuussinnaapput.

Imm. 9. Ataatsimiititaq kommunimi sulisuunngitsunik suliaq suliarinerani aggersaasinnaavoq, suliaq paasissutissiiffiginissaa kissaatigineqarpat.

Oqaluuserisassat suliallu saqqummiunnegarnera

§ 4. Ataatsimiititap siulittaasua ataatsimiinnissamut oqaluuserisassaliussaaq, ilaasortanillu ataatsimiigiaqqusilluni. Ileqquusumik ataatsimiinnissanut oqaluuserisassat aammalu suliat suliarineqarnissaannut paasissutissat pisariaqartut sapinngisamik ataatsimiititamut ilaasortanut ataatsimiinnissaq kingusinnerpaamik ulluinnarnik tallimanik sioqqutsilluni nassiunneqassapput.

Oqaluuserisassat ilanngussallu politikerinut iserfissami elektroniskiusumi pissarsiarineqarsinnaapput, taanna aqqutigalugu politikerit ataatsimiinnerni atugassaasut suliarineqartarput.

Imm. 2. Immikkut ittumik ataatsimiinnissamut ataatsimiigiaqqusinnermi siulittaasoq suliassanik ataatsimiinnermi suliarineqartussanik sapinngisamik annertunerpaamik ilaasortanut ilisimatitsissuteqassaaq.

Imm. 3. Ilasortaq kinaluunniit ataatsimiinnerup aallartinnerani ullormut oqaluuserisassani oqaaseqarumasinnaavoq.

Imm. 4. Aalajangiussassatut siunnersuummik oqaluuserisassat nassiunneqareernerisa kingorna aatsaat nassiussisoqassagaluarpasut, oqaluuserisassanulli ilanngunneqarsinnaasumik, tapiliussatut oqaluuserisassanngortinneqassaaq, taannalu oqaluuserisassat nalinginnaasumik nassiunneqartarnerisulli malittarisassat assingi malillugit ilaasortanut nassiunneqassaaq. Tapiliussatut oqaluuserisassanik nassiussinerni immikkoortoq imaluunniit immikkoortut ileqquusumik ataatsimiinnermi oqaluuserisassani ilanngunneqarsimannginnerannut tunngavilersuutit tamatigut ilanngunneqartassapput.

Imm. 5. Suliaq ileqquusumik oqaluuserisassanut imaluunniit oqaluuserisassanut tapiliussatut ilanngunneqanngitsoq suliassaq kinguartinneqarsinnaanngippasut suliarineqarsinnaavoq.

Imm. 6. Suliat, ataatsimiititamut saqqummiunneqannginnerini naammattumik erseqqissarneqarsimanersut siulittaasup nakkutigissavaa.

Kommunalbestyrelsimi ilaasortat oqaluuserisassanngortitsisinnaatitaanerat

§ 5. Ataatsimiititamut ilaasortaq kinaluunniit ataatsimiititap susassaarfii pillugit Ataatsimiititamut suliassanngortitsisinnaavoq. Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, suliap suliareqqinnissaa pillugu Ataatsimiititaq ataatsimiinnermi aalajangiissaaq. Tamanna aamma aalajangiiffigisassatut siunnersuutitut tunniunneqartunut atuuppoq.

Imm. 2. Ataatsimiititaq ilaasortap oqaluuserisassatut ilanngunneqarnissaa kissaataanik itigartitsisinnaavoq, suliaq siusinnerusukkut ataatsimiititami suliareqqarsimasup assigisimappagu. Itigartitsinerli pisinnaanngilaq suliapi paasissutissanik nutaanik peqarpat, imaluunniit oqaluuserineqarnerani kingullermi tunngaviatigut annertuumik allannguuteqartoqarsimappat.

Imm. 3. Ilaasortap siunnersuutaa Ataatsimiititap tulliani ataatsimiinnissaa sioqqullugu Pisortaqatigiit Allatseqarfianut mailikkut uunga nassiunneqassaaq kommuneqarfik@sermersooq.gl piffissaalluartillugu tunniunneqassalluni, suliapi paasissutissat aamma Ataatsimiititamut inassuteqaasiornissaaq siunertaralugit. Ilaasortaq ataatsimiinnissaaq kingusinnerpaamik ulluinnarnik 12-inik sioqqutsilluni suliassamik allakkatigut oqaluuserisassanngortitsiumasimappat, suliassaaq ataatsimiititami siulittaasumit ataatsimiinnissamut oqaluuserisassanut ilanngunneqassaaq.

Aalajangiisinnaatitaaneq, ataatsimiinnermik aqutsineq suliallu saqqummiunneqartarnerat.

§ 6. Ataatsimiititaq aalajangiisinnaassuseqarpoq ilaasortat ikinnerpaamik affaat peqataappata (aqutsineq pillugu inatsimmi § 28, imm. 1 naapertorlugu). Aalajangiinerit tamarmik amerlanerussuteqarnikkut aalajangerneqartassapput.

Imm. 2. Ataatsimiititap ataatsimiinneri siulittaasumit aqunneqartassapput. Siulittaasoq peqataasinnaanngippat ataatsimiinneq ataatsimiititami ilaasortamit, kommunalbestyrelsimi sivisunerpaamik ilaasortaasimasumit, aqunneqassaaq, imaluunniit, arlallit sivilsoqatigiimmik ilaasortaasimappata, taakkunannga angajulliup ataatsimiinneq aqussavaa.

Ataatsimiinnermi aqutisup isumaqatiginninniarnep aqunneqarneranut apeqqutit tamaasa aalajangersaaffigisassavai. Ilaasortaq kinaluunniit ataatsimiinnermi aqutisup suleriaatsimi aalajangersakkanik paasinninnissaaq eqqarsaatigalugu aalajangiineranik malinnissinnaatitaagallarpog.

Imm. 3. Suliat siulittaasup tulleriiaarinissamik aalajangiinera naapertorlugu suliarineqassapput, taamaasillunilu oqaluuserisassani tulleriiaarisimaneq sanioqqunneqassanngilaq. Ataatsimiititami ilaasortap ataatsip kissaatigippagu, suliat qanoq tulleriiaarneqarlutik suliarineqassanersut, aalajangissavaa.

Imm. 4. Siulittaasoq, aqutsinermut inatsimmi § 27, imm. 2 naapertorlugu, ataatsimiititaq sinnerlugu sulianik kinguartinneqarsinnaanngitsunik, imaluunniit nalornissutaasinnaanngitsunik aalajangiisinnaatitaavoq.

Imm. 5. Immikkoortut taasissutigineqartussat siulittaasup oqaasertalersussavai.

Imm. 6. Ilasortaq kinaluunniit, aqutsinermut inatsimmi § 27, imm. 3 naapertorlugu, siulittaasup ataatsimiititami sulinera pillugu sunilluunniit apeqquaqateqarsinnaatitaavoq, aammalu ataatsimiititap paasissutissanik piumasaqaataanik tamanik siulittaasoq paasissutissiissaaq. Siulittaasoq sutigut tamatigut ataatsimiititap aalajangersimasaanik naapertuisussaataavoq.

Imm. 7. Ataatsimiititami ilasortaq kinaluunniit aqutsinermik inatsimmi § 30 naapertorlugu, ataatsimiinnermi aalajangerneqartumik unitsitsisinnaatitaavoq, ataatsimiinnermi, aalajangerneqartumik kommunalbestyrelsimit aalajangiiffigisassanngortillugu aalajangiinermut imaqaarniliatut nalunaarutigalugu.

Imm. 8. Ilasortap ataatsimiititami siulittaasoq ilisimatittassavaa pissutissaqarpat suliani aalajangersimasuni suleqataasinnaanermut apeqquatinngortitsisinnaasunik. Aqutsinermik inatsimmi § 39 naapertorlugu ataatsimiititami aalajangerneqartassaaq ilasortaq imatut soqutigisaqarnerisooq, ilasortaq ataatsimiititap suliamik suliarinninnerani peqataasinnaannginnerisooq imaluunniit peqataasinnaanersooq. Taamatut pisoqartillugu pineqartoq suliaq pillugu isumaqatigiinniarnermi taasinermilu ataatsimiiffimmiit anissaaq taamaattorli suliaq pineqartup eqqartorneqarnerani ilasortaq anissanersooq pillugu ataatsimiititap isumaqatigiinniarnerni taasineranilu peqataasinnaalluni.

Imm. 9. Ilasortat sinniisussallu ataatsimiititami taasinerne aatsaat peqataasinnaapput, najuullutik ataatsimeeqataagunik imaluunniit tele attaveqaatit ikiorsiullugit ataatsimeeqataagunik, aqutsinermik inatsimmi § 28, imm. 1 naapertorlugu.

Imm. 10. Oqaluuserisassat, oqaluuserisassatut siunnersuutit paasissutissallu kommunimi allaffeqarfiimmit suliarineqarsimasut kalaallisut qallunaatullu suliarineqarsimassapput, ilanngussat allallu paasissutissat kommunip avataanit suliarineqarsimasut taakku oqaasii atorlugit suliarineqarsimanerisut saqqummiunneqassapput.

Aalajangerit pillugit imaqarniliaq

§ 7. Ataatsimiititap siulittaasuata akisussaaffigaa, ataatsimiititami aalajangerneqartut aqutsinermik inatsimmi § 28, imm. 3. naapertorlugu aalajangernermut imaqarniliamut allanneqarnissaat. Ilanngunneqartut atuarneqareerpata imaqarniliaq ataatsimiinneq naammassippat ilaasortanit ataatsimiinnermi najuuttunit akuerineqassaaq atsiorneqarlunilu. Atsiornerit sapinngisamik politikerit isaaviat elektroniskiusoq aqutigalugu pisassaaq, taanna politikerit ataatsimiinnerni atortussaannik isumaginnittuvoq.

Ilaasortaq ataatsimiinneq tamakkerlugu ataatsimeeqataasimanngippat, imaqarniliamut allanneqassaaq, immikkoortuni sorlarni ataatsimeeqataasimannginnersoq, piffissallu qanoq ilinerani ataatsimeeqataasimannginnersoq.

Imm. 2. Suliap qanoq ittuunera apeqqutaatillugu, imaqarniliami allanneqassaaq, ilisimatitsissutit tusaatissatut tiguneqartut, oqaluuserisassat oqaluuserineqartut imaluunniit aalajangiiffigisassani ataatsimiititap aalajangiinera.

Imm. 3. Ilaasortaq kinaluunniit allatut isumaqaruni imaqarniliamut allaanerusumik isummaminik allaqqusisinnaatitaavoq. Naatsumik oqaaseqaateqarneq titarnernik 3-4-nik nalilernerqarpoq. Ilaasortap taassuma suliap nassiunneqarneranut ilanngussinnaavaa isummernerminut tunngaviliussani (aqutsineq pillugu inatsimmi § 25, imm. 4 naapertorlugu). Ikinnerussuteqarluni oqaaseqaatigiumasat ilaasortamit oqaasertalersorneqassapput ullorlu taanna mailikkut imaqarniliortumut nassiullugit.

Imm. 4. Ilaasortaq taasisimanini allamilluunniit pissuteqarnini innersuussutigalugu, aalajangernermut imaqarniliaq atsiorumanngissinnaanngilaa.

Imm. 5. Siulittaasup aalajangernernut imaqarniliap toqqorneqarnissaa qulakkiissavaa, ataatsimiinnerlu naammassereerpata piaarnerpaamik ataatsimiititami ilaasortat sinnerinut aammalu imaqarniliamik tunineqartussaataasut assinganik nassinneqarnissaat qulakkiissavaa.

Nipangiussisussaataaneq

§ 8. Ataatsimiititami ilaasortat nipangiussisussaataapput, tamanna pillugu inatsimmi malittarisassat naapertorlugit.

Imm. 2. Ataatsimiititap ataatsimiinneri matoqqasuupput, eqqartorneqartullu allamut ingerlateqqitassaangitsutut isigineqarput. Ataatsimiititap aalajangeri tamanut nalunaarutigineqarsinnaapput, kisianni paasissutissat nipangiussisussaataaneermut tunngasut pinnagit.

Imm. 3. Ilaasortaq kinaluunniit paasisitsinnaatitaavoq, ilaasortaq nammineq qanoq oqaaseqarsimanerminik taasisimanerminillu, nipangiussisussaataaneermut tunngasut pinnagit.

Ataatsimiititap aalajangerinerinik suliaqarneq piginnaatitaaffinnillu agguaassineq

§ 9. Siulittaasup qulakkiissavaa ataatsimiititap aalajangerinerisa naammassineqarnissaat. Siulittaasup nakkutigissavaa, suliat arlaannaalluunniit pisariaqanngitsumik kinguarsarneqannginnissaat.

§ 10. Ingerlatsiviup siulittaasullu aalajangiisinnaatitaanerata ataatsimiititami aalajangiisoqarneratigut agguataarneqassapput, aammalu inatsimmi atuuttumi malittarisassat malinneqassapput.

Imm. 2. Ataatsimiititami isumaqatigiissuteqarnikkut suliat aalajangersimasut imaluunniit suuneri apeqqutaatillugit siulittaasoq piginnaatinneqarsinnaavoq. Ataatsimiititaq ataatsimiititami ilaasortanut allanut/kommunalbestyrelsimut siulittaasup saniatigut piginnaatitsisinnaatitaanngilaq.

Imm. 3. Ataatsimiititaq amerlanerussuteqarnikkut suliassanik aalajangersimasunik suunerilu apeqqutaatillugit ingerlatsivimmut piginnatitsisinnaavoq.

Imm. 4. Ataatsimiititami siulittaasumut ingerlatsivimmullu piginnaatitsilluni aalajangerinerit allattorsimaffimmut immikkut nalunaarsorneqartassapput. Allattorsimaffimmi erseqqissumik allassimassaaq, suliassat suut siulittaasumut aammalu suliassat suut ingerlatsivimmut piginnaatitsissutigineqarsimanersut. Aamma allassimassaaq ulloq suna aalajangertoqarneris, taamaalilluni suliaq ajornanngitsumik nassaarineqarsinnaaniassammat.

Suleriaasissami allannguutit

§ 11. Suleriaatsimi allannguutit tapiliussallu ataatsimiititap ileqquusumik ataatsimiiffissaani oqaluuserineqassapput.

Atuutilersitsineq

§12. Suleriaasissaq una maajip ulluisa aappaanni 2025-mi atuutilerpoq.

Taamatut Aningaasaqarnermut Inuussutissarsiornermullu Ataatsimiititap ulloq 2. maaji 2025-mi ataatsimiinnerani akuersissutigineqarpoq.


Siulittaasoq Avaaraq Olsen